



Sermip erngullu niuernikkut iluaqutigineqarnissaa pillugu inatsimmi § 12, imm. 2 malillugu Kalaallit Nunaanni sermip aamma/imaluunniit erngup iluaqutiginissaanut akuersissutit pillugit qinnuteqaateqarnissamut piumasaqaatit nalinginnaasut

08-03 2019
Sagsnr. 2018-5296
Dokumentnr.

Postboks 930
3900 Nuuk
Tel. (+299) 34 68 00
Fax (+299) 32 43 02
E-mail: isiin@nanoq.gl
www.nanoq.gl

Sermip erngullu niuernikkut iluaqutigineqarnissaa pillugu Inatsisartut inatsisaat nr. 17, 27. november 2018-meersumi (sermimut imermullu inatsimmi) § 12, imm. 2 malillugu ingerlatseqatigiiffiit soqutiginnittut Kalaallit Nunaanni sermimik aamma/imaluunniit imermik iluaquteqarnissamut akuersissutit nalunaarutiginnissaat pillugu qinnuteqarsinnaapput.

Piumasaqaatit nalinginnaasut taamaallaat sermimut imermullu inatsimmi § 12, imm. 2 malillugu tunniunneqartunut qinnuteqaatinut atugaassapput, taamaalillutillu sumiiffinnut, isumalluutitut imaluunniit tigooraavissanut neqerooruteqartitsinermit ilaasunut tungasunik qinnuteqaatinut, imaluunniit tamanut ammasumik ingerlassamut, imaluunniit allatut ilusilimmut nalinginnaasumik piumasaatinut taakkunanit ilaatinneqanngitsunut tungasuunatik.

Kalaallit Nunaanni sermimik aamma/imaluunniit imermik iluaquteqarnissamut akuersissut sermimut imermullu inatsimmi § 4 imaluunniit § 8 malillugit, taakkununga atuuttutut nalinginnaasutut piumasaqaatit naapertorlugit nalunaarutigineqarsinnaavoq.

Aalajangiussatut piginnaasaqassutsit piumasaqaatinik taakkuninnga tamanik ingerlatseqatigiiffik naapertuutsissappat tamatumunnga qinnuteqaataa tunngavigalugu sermimik aamma/imaluunniit imermik iluaquteqarnissamut akuersissummik qinnuteqartup nalunaaruteqarfiginissaa imaluunniit nalunaaruteqarfigineqassannginnera pillugu Naalakkersuisut aalajangiussissapput.

Naalakkersuisut akuersissummik nalunaaruteqarnissamut pisuussaaffeqanngillat. Naalakkersuisut aalajangiissapput akuersissummik nalunaaruteqartoqassanersoq nalunaaruteqartoqassannginnorsorluunniit pillugu qinnuteqaateqartumut, sermimut imermullu inatsit naapertorlugu aamma pisortani ingerlatsinermit malittarisassat

ileqqullu nalinginnaasut naapertorlugit, tamatumanilu aamma kinaassusersiunngitsumik piviusorsiorumik, naligiissitsinermik aamma atsikkutigijissaakkamik tunngaveqartumik.

Ulloq taanna piginnaasassatut piumasaqaatinik aalajangiussanik taakkuninnga tamanik naapertuutitsisunit qinnuteqartunit qinnuteqaatit imminnut unammillertuusut tiguneqas-sappata qinnuteqartut unammillertut arlaat piumasaqaatit aalajangiussat taakku imm. 4-miittut tunngavigalugit akuersissummik nalunaaruteqarfiusinnaanerit pillugu Naalakkersuisut aalajangiissapput.

Sermimut imermullu inatsimmi § 12, imm. 2 malillugu iluaquteqarnissamut akuersissut pillugu qinnuteqaammut immikkoortut tulliini qinnuteqarnermut ingerlassasaq eqqartorneqassaaq, ilanngullugit iluaquteqarnissamut akuersissummik qinnuteqartumut tunngavigititatut piginnaasassatut piumasaqaatit.

1. Qinnuteqarnermi ingerlassaq

Sermimut imermullu inatsit malillugu sermimik aamma/imaluunniit imermik iluaquteqar-nissamut akuersissutip nalunaarutiginnissaa pillugu qinnuteqaat uunga nassiutissaaq:

Inuusutissarsiornermut Nukissiuuteqarnermullu Naalakkersuisoqarfik

Imaneq 1A

Postboks 1601

3900 Nuuk

Email: jsiin@nanoq.gl

Qinnuteqaat emailikkut qarasaasiakkut [tunniunneqassaaq](mailto:jsiin@nanoq.gl). Qinnuteqaat emailimut jsiin@nanoq.gl-imut pinnagu qarasaasiamut naleqqiullugu allatut ilusilittut nassiunneqar-pat, pilersuutigineqarpat imaluunniit tunniunneqarpat [tunniunneqartuussanngilaq](mailto:jsiin@nanoq.gl).

Naalakkersuisunit tulleriissutut tiguneqarneri malillugit Naalakkersuisut tigusaattut qin-nuteqaatit suliarineqarlutillu tulleriiaarneqassapput. Taamaattorli Nuummi, Kalaallit Nu-naanni ulloq taanna, piffissaq taanna qinnuteqaatit Naalakkersuisunit tiguneqartut assi-giimmik (naligiimmik) tulleriissutut suliarineqarumaarput.

Piffissami Naalakkersuisut emailikkut qinnuteqaammik tamakkiisumik, paasissutissanik allagaatinillu pisarialinnik tamanik imaqartunik tigusaqarfianni, aammalu kingusinner-paamik ullormi tassani qinnuteqartoq Naalakkersuisunut 1.000 kr.-nik akitsuummik aki-liuteqarsimappat qinnuteqaat Naalakkersuisunit tiguneqarsimasutut isigineqassaaq. Tamakku pillugit immikkoortoq 1-imi aamma immikkoortoq 6-imi erseqqinnerusumik takusaqarit. Qinnuteqaammut ilanngussat, aamma allagaatit atasut allat emailikkut,

imaluunniit allakkatigut kingornatigut nassiussatut, imaluunniit Inuussutissarsiornermut Suliffeqarnermullu Naalackersuisoqarfimmut tunniussatut tunniunneqarsinnaapput.

Qinnuteqaat naammattuunngitsoq Naalackersuisut nalilissappassuk tamanna pillugu Naalackersuisut qinnuteqartumut nalunaaruteqassapput. Taamaattoqassappat qinnuteqaatip naammaginaruunginneranik nalilersuinerminnik Naalackersuisut qinnuteqartumut nalunaaruteqarnerisa kingornatigut ullut 14-it sioqqullugit qinnuteqartoq qinnuteqaammik allanngortitamik, imaluunniit ilassutitut paasissutissanik imaluunniit allagaatinik Naalackersuisoq nassiussaqaarsinnaavoq.

Qinnuteqartoq ullut 14-it sioqqullugit qinnuteqaammik allannguilluniluunniit ilasuteqarsimassappat, taamaalillutik Naalackersuisut tamatuma kingornatigut qinnuteqaatip tamakkiisuusutut nalilissallugu qinnuteqaat piffissami Naalackersuisut qinnuteqaataaqaartumik tigusineqarfianni tiguneqarsimasutut isigineqassaaq.

Qinnuteqartoq ullut 14-it sioqqullugit qinnuteqaammik allannguilluniluunniit ilasuteqarsimanngippat, taamaalillutik Naalackersuisut tamatuma kingornatigut qinnuteqaatip tamakkiisuusutut nalilissallugu, qinnuteqaat suliarineqaraniluunniit naatsorsuutigineqassanngilaq. Taamaattorli qinnuteqartoq qinnuteqaammik nutaamik tunniussinnaavoq.

Qinnuteqartup sermimut imermullu inatsimmi § 4 imaluunniit § 8 malillugit sermimik aamma/imaluunniit imermik niuernikkut iluaquteqarnissamut akuersissut pillugu qinnuteqarnermut qinnuteqarnissamut immersugassaq atussavaa, taannalu internettimi quppernermi matumani nassaarineqarsinnaavoq: <http://www.businessingreenland.gl>.

Qinnuteqartup qinnuteqaammut ilanngussat allakkatigut nassiukkunigit qinnuteqaatip aamma qinnuteqaammut ilanngussat qarasaasiami assilineri USB-stikkimut, aamma allakkatigut nassiunneqartussamut toqqorneqassapput. USB-stikkimi qarasaasiami assilip iluserissavai makku: Microsoft Word-format aamma Adobe PDF-format.

Qinnuteqaammik tunniussaqaarnermi qinnuteqartup Naalackersuisoqarfimmut akitsuut 1.000 kr. akiliutigissavaa. Akitsuut utertinneqassanngilaq, qinnuteqartoq akuersissummik nalunaarfigineqanngikkaluarpalluunniit. Akiliuteqarnermut uppernarsaat qinnuteqaammut ilanngunneqassaaq.

2. Pisinnaatitsissummik piginnittoq aamma akuersissut malillugu atugassarititat

2.1 Tamatigoortutut akuersissummi atugassarisat aamma atuinermut taamaati- taqarnermullu pilersaarutit akuersissutiginissaannut atugassarisat

Sermimut imermullu inatsit malillugu sermimik aamma/imaluunniit imermik iluaquteqarnissamut akuersissummi ilaasutut suliarisassat tulluurtumik ilusilimmik suliarineqasapput, aammalu teknikkip tungaatigut, isumannaallisaanerup tungaatigut, avatangiisinut tunngatillugu, nunaminertamut tunngatillugu, isumalluuteqarnermut tunngatillugu aamma pitsaassutsimut tunngatillugu isumannaatsumik ingerlanneqassallutik.

Sermimut imermullu inatsit malillugu sermimik aamma/imaluunniit imermik iluaquteqarnissamut akuersissutinut tamatigoortutut atugassarisat ilaatigut Naalakkersuisut iluserisassanut allagaataanik malittarinnipput, tamakku internettimi quppernermi matu-
mani pissarsiarineqarsinnaallutik:

<https://www.businessingreenland.gl/da/Udbud/Aktuelle-udbud>. Ilaatigut iluserisassanut allagaatit makku pineqarput:

1. Sermimik aamma/imaluunniit imermik iluaquteqarnissamut akuersissummut iluseq.
2. Sermimik aamma/imaluunniit imermik iluaquteqarnissamut akuersissummut tunngatillugu atuinermut taamaatitaqarnermullu pilersaarutit akuersissutiginissaannut iluseq
3. Erngup sinneruttup iluaqutiginissaanut akuersissummut iluseq.
4. Erngup sinneruttup iluaqutiginissaanut akuersissummut tunngatillugu atuinermut taamaatitaqarnermullu pilersaarutit akuersissutiginissaannut iluseq.

Sermimut imermullu inatsimmi § 4 imaluunniit § 8 malillugit iluaquteqarnissamut akuersissutinut nalinginnartut piunasaqaatini aamma sermimut imermullu inatsimmi § 4 imaluunniit § 8 malillugit iluaquteqarnissamut akuersissutinut nalunaarutaasunut tamatigoortutut akuersissuteqarnermut atugassarisat ilaat eqqartorneqarput.

2.2 Akuersissut malillugu pisinnaatitsissummik piginnittup pisinnaatitaaffii aamma pisussaaffii

Sermimut imermullu inatsit malillugu sermip aamma/imaluunniit erngup iluaqutiginissaanut akuersissut taamaallaat Kalaallit Nunaanni angerlarsimaffeqartunut aktianik piginneqatigiiffimmut imaluunniit (anpartinik) piginneqatigiiffimmut ataatsimut imaluunniit arlalinut nalunaarutigineqarsinnaavoq, aamma ataani immikkoortoq 3-mi nalunaarsukkatut piginnaasaqarnissamik piunasaqaatinik naapertuutitsisunut.

Akuersissutip nalunaarutigineratigut ingerlatseqatigiiffik, imaluunniit ingerlatseqatigiiffiit ataatsimoorlutik akuersissut malillugu pisinnaatitsissummik piginnittungussaaq/-pput. Pisinnaatitsissummik piginnittoq akuersissut malillugu pisinnaatitaaffinnik pissarsissaaq, ajornanngippallu aamma ilanngullugu akuersissuteqarfittut sumiiffimmi (akuersissuteqarfittut sumiiffik) erseqqinnerusumik killiligaasumik iluaquteqarnissamut suliarisassat isumaginissaannut pisinnaatitsissut.

Pisinnaatitsissummik piginnittoq aamma akuersissut malillugu pisussaaffeqassaaq. Pisinnaatitsissummik piginnittup pisussaaffigisai sermimut imermullu inatsimmit, akuersissummit aamma akuersissummut suliarisassatut pilersaarutininik aamma matusinissamut pilersaarutininik ilaalu ilanngullugit Naalakkersuisut akuersissuteqarnerinit malitseqartuupput.

Akuersissut malillugu suliarisat isumaginerini qinnuteqartup iluaqutiginnaallugillu iluaqutiginiagaanik qinnuteqartup ilimanarsaarineranut naleqqiullugit sermimik aamma/imaluunniit imermik annertunerusumik annertussusilimmik iluaquteqarnissamut akuersissummik Naalakkersuisut tamatigut nalunaaruteqarniangillat.

Akuersissut malillugu suliarisat isumaginerini qinnuteqartup iluaqutiginnaallugillu iluaqutiginiagaanik qinnuteqartup ilimanarsaarineranut naleqqiullugit sermimik aamma/imaluunniit imermik annikinnerusumik annertussusilimmik iluaquteqarnissamut akuersissummik Naalakkersuisut nalunaaruteqarsinnaapput. Tamanna pitinnagu taamatut akuersissummik qinnuteqartoq pissarsinissamik kissaateqarneranik Naalakkersuisut qinnuteqartup ilisimatitsinissaanik qinnuigisinnaavaat.

Akuersissut malillugu qinnuteqartup ukiut ataasiakkaat tamaasa atugaqarsinnaasaanik sermimik aamma/imaluunniit imermik annertunerpaatut annertussusissat pillugit Naalakkersuisut akuersissummi atugassarisat aalajangiussinnaavaat. Taamatut atugassarisaqartumik akuersissutip nalunaarutiginnissaa pillugu Naalakkersuisut aalajangiussaqsinnaapput, naak qinnuteqartoq tamakku pillugit atugassaqsartitaanngitsumik akuersissummik qinnuteqarsimagaluartoq. Tamanna pitinnagu taamatut atugassaqsartumik akuersissummik qinnuteqartoq pissarsinissamik kissaateqarneranik Naalakkersuisut qinnuteqartup ilisimatitsinissaanik qinnuigisinnaavaat.

Akuersissut malillugu qinnuteqartup ukiut ataasiakkaat tamaasa atugaqarsinnaasaanik sermimik aamma/imaluunniit imermik annikinnerpaatut annertussusissat pillugit Naalakkersuisut akuersissummi atugassarisat aalajangiussinnaavaat. Taamatut atugassarisaqartumik akuersissutip nalunaarutiginnissaa pillugu Naalakkersuisut aalajangiussaqsinnaapput, naak qinnuteqartoq tamakku pillugit atugassaqsartitaanngitsumik akuersissummik qinnuteqarsimagaluartoq. Tamanna pitinnagu qinnuteqartoq akuersis-

sut malillugu ukiut ataasiakkaat tamaasa sermimik aamma/imaluunniit annikinnerpaatut annertussuseqartoq pillugu atugassaqaartumik akuersissummik nalunaaruteqarnermik pissarsinissamik kissaateqarnera pillugu Naalakkersuisut qinnuteqartoq ilisimatitse-qqullugu qinnuigisinnaavaat.

Qinnuteqartoq kisermaassisinnaatitalimmik akuersissutip nalunaarutisinissaminik qinnuteqarsimagaluortoq Naalakkersuisut kisermaassisinnaatitaqanngitsumik akuersissutip nalunaarutiginissaanik aalajangiussisinnaapput.

3. Piginnaasaqarnermut piumasaqaatit (qinnuteqartumut tunngaviusutut piumasaqaatit)

Immikkoortumi matumani eqqartorneqartutut piginnaasaqarnermut piumasaqaatit tassaapput sermimut imermullu inatsit malillugu sermip aamma/imaluunniit erngup iluaqutiginissaanut akuersissummik nalunaaruteqarnissaq pillugu qinnuteqartumut kimulluunniit tunngaviusutut piumasaqaataapput. Piginnaasaqarnermut piumasaqaatinik qinnuteqartoq naapertuutsitsissanngippat sermimut imermullu inatsit malillugu sermip aamma/imaluunniit erngup iluaqutiginissaanut akuersissummik qinnuteqartoq nalunaarfigineqarsinnaassanngilaq.

Iluaquteqarnissamut akuersissutip nalunaarutiginera pillugu qinnuteqarnermi aamma iluaquteqarnissamut akuersissummi iluaquteqarfissatut piffissami tamami piginnaasaqarnissamut piumasaqaataasunik ingerlatseqatigiiffik sunaluunniit naapertuutsitsissaaq.

Ingerlatseqatigiiffik piginnaasanik piumasaqaataasunik tamanik naapertuutsitsissappat sermip aamma/imaluunniit erngup iluaqutiginissaanut akuersissummik qinnuteqartup nalunaarfiginissaa imaluunniit nalunaarfigineqannginnissaa pillugit Naalakkersuisut aalajangiussassapput.

Ingerlatseqatigiiffiup aqutaminik ingerlatseqatigiiffiup pilersinnissaa aalajangiussin-naavaa, aqutamitullu ingerlatseqatigiiffik sermip aamma/imaluunniit erngup iluaqutiginissaanut akuersissut pillugu qinnuteqaammik nassiussaqaartissinnaavaa aammalu nalunaarummik pissarsisussanngortissinnaallugu. Taamatut pisoqarnerani ingerlatseqatigiiffimmut piginnaasanik piumasaqaatinik tamanik aqutatut ingerlatseqatigiiffik naapertuutsit-sissaaq.

Sermip aamma/imaluunniit erngup iluaqutiginissaanut akuersissummik qinnuteqaammik ingerlatseqatigiiffiit arlallit peqatigiittut tunniussaqaarlutillu nalunaarummik pissarsisinnaapput. Ingerlatseqatigiiffinni peqatigiissuni ingerlatseqatigiiffiup sulluunniit inger-

latseqatigiiffiup ingerlatseqatigiiffittut atugarisai, nammineq aningaasaatiminik atugaqarsinnaassusia, aamma akiliisinnaassuseqarnera ilaalu ilanngullugit pillugit immikkoortoq 3.1-imi eqqartorneqartutut piginnaasanut piumasaqaatit tamaasa nammineq naapertuutsissavai.

Tamakku saniatigut ingerlatseqatigiiffiit peqatigiittut (tamarmiullutik) teknikkip aamma suliarisatigut piginnaasaqarneq, aamma aningaasaqarnikkut aningaasaliisinaanermullu piginnaasaqarneq pillugit immikkoortoq 3.2-mi eqqartorneqartut tamaasa aamma naapertuutsissavaat.

Ingerlatseqatigiiffiit arlallit akuersissutip nalunaarutiginissaa peqatigiillutik qinnutiginisnaanut aamma nalunaarutiginisnaanik pissarsiaqarnissaq pillugit kissaateqassappata ingerlatseqatigiiffiit ataatsimoorussatut qinnuteqarnissamut ingerlatseqatigiiffik, ingerlatseqatigiiffinnit tamakkiisumik pigineqarlunilu aqutarineqartoq atorsinnaavaat. Taamatut pisoqartillugu qinnuteqarnissamut ingerlatseqatigiiffik sermip aamma/imaluunniit erngup iluaqutiginisnaanut akuersissummik qinnuteqarlunilu nalunaarummik pissarsiaqarsinnaavoq. Ingerlatseqatigiiffiup ingerlatseqatigiiffittut atugarisai, nammineq aningaasaatiminik atugaqarsinnaassusia, aamma akiliisinnaassuseqarnera ilaalu ilanngullugit pillugit immikkoortoq 3.1-imi eqqartorneqartutut, aamma ingerlatseqatigiiffiup teknikkip aamma suliarisatigut piginnaasaqarnera, aamma aningaasaqarnikkut aningaasaliisinaanermullu piginnaasaqarnera pillugit immikkoortoq 3.2-mi eqqartorneqartutut piginnaasaqarnissamut piumasaqaatit tamaasa qinnuteqarnissamut ingerlatseqatigiiffiup nammineq naapertuutsissavai.

3.1 Qinnuteqartup ingerlatseqatigiiffimmi atugarisai, nammineq aningaasaatiminik atuisinnaassusia aamma akiliisinnaassusia ilaalu ilanngullugit

Sermip aamma/imaluunniit erngup iluaqutiginisnaanut akuersissut taamaallaat ingerlatseqatigiiffimmut ataatsimut imaluunniit arlalinnut nalunaarutigineqarsinnaavoq ingerlatseqatigiiffik, imaluunniit ingerlatseqatigiiffiit ataasiakkaat tamarmik makkuninnga piumasaqaatinik tamanik naapertuutsissappata:

1. Ingerlatseqatigiiffik tassaavoq aktianik piginneqatigiiffik imaluunniit (anpartinik) piginneqatigiiffik, Kalaallit Nunaanni angerlarsimaffeqartoq.
2. Ingerlatseqatigiiffik aningaasaatiminik tamakkiisumik atuisinnaavoq, aammalu akilersuinerminik unitsisisuunani, akiliisinnaajunnaartuunani, imaluunniit tamakununnga sanilliunneqarsinnaasutut pissutsinik atugaqartuunani.

3.2 Qinnuteqartup teknikkip aamma suliarisatigut piginnaasaqarneri, aamma aningaasaqarnikkut aningaasaliisinnaanermullu piginnaasaqarneri pillugit piginnaasanut piumasaqaatit

Sermimut imermullu inatsit malillugu iluaquteqarnissamut akuersissummik nalunaarutis-inissaq pillugu ingerlatseqatigiiffik sunaluunniit qinnuteqartoq qinnuteqarnermi aammalu akuersissuteqarfittut piffissami tamarmiusumi akuersissut malillugu iluaquteqarnissamut suliassarisat suliassallu allat suliarisinnaanissaannut pisarialittut teknikkimut aamma suliarisatigut piginnaasaqarnernik aamma aningaasaqarnikkut aningaasaliisinnaan-ikkullu piginnaasaqarnerit pigissavai.

Qinnuteqartup teknikkimut aamma suliarisatigut piginnaasaqarneri pillugit piumasaqaat suliatigut ilisimasanik suliffeqarfiup pilersinnissaanut aammalu isumannaatsumik, sunni-uteqartumik pitsaasumillu, aammalu aningaasaqarnikkut piujuartitsisumik (akilersinnaasumik) ingerlanneqarnissaanut pisariaqartunik, aamma sermip aam-
ma/imaluunniit erngup iluaqutiginissaanut tunngatillugu suliniutip piviusunngortissin-
naaneranut aamma piviusunngortinnissaanut pisariaqartunik qinnuteqartup peqassan-
eranik nassaqarpoq.

Qinnuteqartup teknikkimut aamma suliarisatigut piginnaasaqarneri pillugit piumasaqaat ilaatigut akuersissut malillugu suliarisat isumannaallisaanermut, peqqissusermut avata-
ngiisinullu, aamma inuiaqatigiinnut tunngatillugu piujuartitsinermut tunngatillugit isuman-
naatsumik pitsaasumillu ilusilimmik ingerlanneqarnissaat peqataaqataatitsissapput, ilan-
ngullugit akuersissut malillugu suliarisat isumaginerini nunatsinnit sulisartut aamma
nioqqutissanik kiffartuussissutinillu pilersuisartut atugarinissaat.

Teknikkimut aamma suliarisatigut piginnaasaqarnerup pisariaqartinneqartup ilaatigut ilagai sermimik imaluunniit imermik iluaquteqarnermut aamma tunisassiornermut, us-
sassaarinermut, nioqquteqarnermut, assartuinermut aamma sermimik imaluunniit
imermik tunisassianik pilersuinermut tunngatillugit piginnaasat, ilisimasat aamma
misilittakkat. Teknikkimut aamma suliarisatigut piginnaasaqarnerup pisariaqartup aam-
ma ilagai pinngortitamik avatangiisinillu illersuinissamut tunngatillugu, aammalu inuia-
qatigiinnut tunngatillugu piujuartitsinermut tunngatillugu suliassarisat isumagalugillu
aaqqiissutissanik piviusunngortitsinerni piginnaasat, ilisimasat aamma misilitta-
gaqarnerit, ilanngullugit akuersissut malillugu suliarisassanik suliaqarnerni sulisartunik
kalaallinik aamma nioqqutissanik kiffartuussissutinillu pilersuisartunik kalaallinik
atugaqarnerit.

Taamaattumik ingerlatseqatigiiffiit arlallit (ataatsimoorlutik) peqatigiillutik akuersissut
pillugu qinnuteqassappata teknikkimut aamma suliarisatigut piginnaasaqarnerup pisari-

aqartup pigineqarnissaa pillugu, aammalu uppersaanissaq pillugu piumasaqaa-
taasoq peqatigiittut ingerlatseqatigiiffinnit ataasiakkaanit tamanit naapertuutsinneqan-
ngikkuni ingerlatseqatigiiffinnit peqatigiinnit ataatsimoortumik naapertuutsinne-
qarsinnaavoq.

Teknikkimut aamma suliarisatigut piginnaasaqarnermi pisarialimmiipputtaaq qinnute-
qartutut ingerlatseqatigiiffik, aamma qinnuteqartutut ingerlatseqatigiiffiup siulersuisuini
kinaluunniit inuk, ilanngullugit pisortaqarfik siulersuisullu, aammalu teknikkip tungaatigut
siulersuisut Kalaallit Nunaannut pinerluttulerinermut inatsimmi (inatsisitut nalunaarut nr.
1045, 7. september 2017-imeersoq) aalajangersakkamik unioqquitsinermut eqqartu-
ussinermi inaarutaasumi eqqartuussimaneqannginneranut imaluunniit akiligassamik
akuersissuteqarsimannginneranut piumasaqaat aamma uppersaat, tamakkunani
pineqarlutik kapitali 8-mi qunusiarinnikkut anguniagaqarneq pillugu, akilerlugu
peqquserlutsitsisarneq pillugu § 38, eqqunngitsumik nalunaaruteqarneq pillugu § 57,
allagaatinik atornerluineq pillugu § 61, ingerlatsinermi ajoqusersuutit, ilanngullugu
imermik pilersuinerlut immikkut ittumik saassussinerit pillugit § 67, akuutissanik qin-
ngornernik ulorianartulinnik unioqquitsilluni atugaqarnerit pillugit § 68, imaluunniit
peqquserlunnerit aamma nalunaarsuutit peqquserlunnerit pillugit §§ 104-105. Teknik-
kimut aamma suliarisatigut piginnaasaqarnermi pisarialimmiipputtaaq qinnuteqartutut i-
ngerlatseqatigiiffik, aamma eqqaaneqartutut inuit kikkulluunniit nunani allani
attuumassuteqartuni inatsisaasuni assingusunik aalajangersakkanik eqqartuussinermi
inaarutaasumi eqqartuussimaneqannginneranut imaluunniit akiligassamik akuersissute-
qarsimannginneranut piumasaqaat aamma uppersaat. Taakkunaniipput ingammik
nunat allat qinnuteqartutut ingerlatseqatigiiffiup suliffimmik ingerlassaqarfigisai imaluun-
niit i-ngerlassaqarfigisimasai, aammalu inuit pineqartut angerlarsimaffittut nunagisaat,
aammalu nunat allat inuit pineqartut imaluunniit suliffeqarfiit pigisaat, siulersuisuuf-
figisaat imaluunniit atorfeqarfigisaat, suliffimmik ingerlataqarfigisaat imaluunniit ingerla-
taqarfigisimasaat. Ingerlatseqatigiiffiit arlallit (ataatsimoorlutik) peqatigiillutik akuersis-
sutip nalunaarutiginissaa pillugu qinnuteqassappata uppersaassummiissapput qin-
nuteqartutut ingerlatseqatigiiffiit ataasiakkaat tamarmik, aammalu qinnuteqartutut inger-
latseqatigiiffinni ataasiakkaani tamani inuit pineqartut ataasiakkaat tamarmik.

Qinnuteqartutut ingerlatseqatigiiffimmut imaluunniit qinnuteqartutut ingerlatseqatigiiffin-
nut ataasiakkaanut tamanut qinnuteqartuusoq Kalaallit Nunaanni pinerluttulerinermut
inatsimmi aammalu nunani attuumassuteqartuni allani inatsisaasuni aalajangersakkanut
tunngatillugu qulaani pineqartutut pissutsit pillugit nalunaarummik tunniussaqaassaaq.
Nalunaarut ingerlatseqatigiiffiup siulersuisuinut ilaasumit inummit ataatsimit imaluunniit
arlalinnit, assersuutugalugu taassuma siulersuisuinit imaluunniit pisortaqarfigisaanit tunni-
unneqarlunilu atsiorneqassaaq, taakkua tamarmik immikkut imaluunniit ataatsimoorlutik
ingerlatseqatigiiffimmut pisussaaffiliisumik sunniuteqartillugu nalunaarummik tunni-

ussaqsinnaallutillu atsiugaqsinnaallutik (sinniisutut pisussaaffeqarlutik). Qinnuteqartutut ingerlatseqatigiiffimmi inummut kimulluunniit, aamma qinnuteqartutut ingerlatseqatigiiffiup siulersuisuini, ilanngullugit pisortaqarfimmi siulersuisuisunilu, aammalu teknikkip tungaatigut siulersuisuni qinnuteqartoq qulaani pineqartutut pissutsit pillugit paasissutissanik ilalimmik pineqaatissiissutinit nalunaarsuiffimmit assingusutulluunniit oqartussaasunit allagaammik, Kalaallit Nunaanni nunanilu attuumassuteqartuni allani attuumassutilittut qullersaqarfittut pisortaqarfimmit atugassiissutaasumik naqitamik tunniussaqaassaaq. Taamatut ittumik nunami attuumassutilimmi inuit pineqartut taakku arlaannit pisortanit allagaammik taama ittumik pissarsisinnaanngitsogaassappat paarlatuani nunami inummut qulaani pineqartutut pissutsit pillugit qinnuteqartoq nalunaarummik tunniussaqaassaaq. Nalunaarut inummit tassannga tunniunneqarlunilu atsiorneqassaaq.

Qinnuteqartup aningaasaqarnikkut aningaasaliisinnaanikkullu piginnaasaqarnissaanut piunasaqaatip nassataraa qinnuteqartup iluaquteqarniarluni suliarisanik aammalu akuersissummut ilaasutut suliarisanik allanik isumaginnillunilu naammassisinninnissamut atasuusunik aningaasartuutunik akilersuisinnaallunilu nammataqarsinnaanissaa aammalu aningaasaliisinnaanissaa, aammattaaq tamatumunnga atatillugu suliffeqarfimmik aningaasaqarnikkut piujuartitaasumik (akilersinnaasumik) pilersitsillunilu ingerlatqarsinnaanissaa.

Ingerlatseqatigiiffiit arlallit (ataatsimoorlutik) peqatigiittut akuersissummik qinnuteqassappata pisarialittut aningaasaqarnikkut aningaasaliisinnaanikkullu piginnaasanik pigisaqarneq, aammalu tamatumunnga uppersaateqarneq pillugit piunasaqaataasoq peqatigiittutut ingerlatseqatigiiffinnit ataasiakkaanit tamanit naapertuutsinneqanngikkuni ingerlatseqatigiiffinnit ataatsimoortuusutut peqatigiittunit naapertuutsinneqarsinnaapput.

Pisarialittut aningaasaqarnikkut aningaasaliisinnaanikkullu piginnaasaqarnermi akileraarutitut, akitsuutitut, akuersissutitut akiligassanut, imaluunniit inatsisaasut malillugit inooqatigiinnermi sillimmasiinnermik aaqqiissutitut aammalu tamanna pillugu Kalaallit Nunaanni akuersissuteqarnermut atugassarisani akiliutitut tunngatillugit Kalaallit Nunaanni qullersatut pisortaqarfinnut qinnuteqartutut ingerlatseqatigiiffik DKK 100.000-inik amerlanernilluunniit taarsigassanik akiligassanik akilerneqanngitsunik peqannginneranut piunasaqaatit aamma uppersaatait aamma ilaapput. Ingerlatseqatigiiffiit arlallit (ataatsimoorlutik) peqatigiillutik akuersissutip nalunaarutiginissaa pillugu qinnuteqassappata uppersaatait qinnuteqartutut ingerlatseqatigiiffinnut ataasiakkaanut tamanut ilaatinneqassapput. Pissutit pineqartut tamakku Naalackersuisut naalakkiutaat pillugit qinnuteqartutut ingerlatseqatigiiffimmut imaluunniit qinnuteqartutut ingerlatseqatigiiffinnut ataasiakkaanut tamanut qinnuteqartuusooq nalunaarummik tunniussaqaassaaq. Naalackersuisunit nalunaarummik taama ittumik pissarsiaqartoqarsinnaassanngippat

qinnuteqartutut ingerlatseqatigiiffimmut imaluunniit qinnuteqartutut ingerlatseqatigiiffin-
nut ataasiakkaanut tamanut qinnuteqartuusoq qulaani pineqartutut pissutsit taakku pillu-
git nalunaarummik tunniussaqaassaaq. Nalunaarut ingerlatseqatigiiffiup siulersuisuinit
ilaasumit inummit ataatsimit imaluunniit arlalinnit, assersuutigalugu taassuma siuler-
suisuinit imaluunniit pisorta qarfigisaanit tunniunneqarlunilu atsiorneqassaaq, taakkua
tamarmik immikkut imaluunniit ataatsimoorlutik ingerlatseqatigiiffimmut pisussaaffiliisu-
mik sunniuteqartillugu nalunaarummik tunniussaqaarsinnaallutillu atsiugaqaarsinnaallutik
(sinniisutut pisussaaffeqarlutik).

4. Unammillertutut qinnuteqaatini tunniussaqaarnermut na- joqqutassat pillugit nalinginnarmik

4.1 Unammillertutut qinnuteqaatit pillugit nalinginnarmik

Naalackersuisut tigusaqarnerisa tullerriiaarnerattut qinnuteqaatit Naalackersuisut
tigusaat suliarineqarlutillu tullerriiaarneqassapput. Taamaattorli Kalaallit Nunaanni Nu-
ummi najukkami ullormi tassani qinnuteqaatit Naalackersuisut tigusaat assigiimmik
(nalogiimmik) tullerriiaarlugit suliarineqarumaarput.

Kalaallit Nunaanni sermimik aamma/imaluunniit imermik iluaquteqarnissamut akuersis-
sutip nalunaarutiginissaanik qinnuteqaatit pisuni makkunani tamatigoortutut unamiller-
tuussapput:

- Kalaallit Nunaanni Nuummi najukkami ullormi tassani qinnuteqaatit Naalak-
kersuisunit tiguneqarpata,
- piginnaasassatut piunasaqaatinik tamanik naapertuutsitsisunit qinnuteqartunit
qinnuteqaatit tunniunneqarpata, aamma
- qinnuteqaatinut ataasiakkaanut taakkununga naapertuuttunik iluaquteqarnis-
samut akuersissummik qinnuteqartunik tamanik Naalackersuisut nalunaarfigin-
nissinnaangippata.

Assersuutigalugu ullormi tassani piginnaasassatut piunasaqaatinik naapertuutsitsisunit
qinnuteqartunit qinnuteqaatinik marlunnik imaluunniit amerlanernik tigusaqartoqassap-
pat, aamma isumalluummit piviusutut iluaqutiginneqarsinnaasutut annertussutsimut
naleqqiullugu isumalluummit tassannga annertunerusumik iluaqutigisassatut annertus-
sutsimik qinnuteqartut tamarmiusut (tamakkiisumik) qinnuteqartoqassappat qin-
nuteqaatit unammillertut pigineqassapput. Assersuutigalugu aamma ullormi tassani
piginnaasassatut piunasaqaatinik naapertuutsitsisunit qinnuteqartunit qinnuteqaatit
marluk imaluunniit amerlanerit tiguneqassappata, aammalu isumalluutaasumit tassan-
nga imermik iluaquteqarnissamut akuersissummik qinnuteqartoqassappat, aammalu qin-

nuteqartuni ataatsimit isumalluummut kisermaassisinnaatitaanertalimmik akuersissutip nalunaarutiginissaa pillugu qinnuteqartoqassappat qinnuteqaatit unammillertut pigineqassapput.

Qinnuteqaatit sermimut imermullu inatsit malillugu § 4 imaluunniit § 8 malillugit akuersissutinut tunngasuuneri apeqquataatinnagit qinnuteqaatit unammillertuusinnaapput.

4.2 Tunniussinermut najoqqutassat aamma unammillertut qinnuteqaatit pillugit nalinginnarmik

Qinnuteqaatit arlallit unammillertuussappata qulaani pineqartutut immikkoortoq 3-mi eqqartorneqartuni piginnaasaqarnissamut piunasaqaatinik tamanik qinnuteqartut naapertuutsisineri pillugit Naalakkersuisut aalajangeeqqaassapput.

Ullormi tassani qinnuteqartunit immikkoortoq 3-mi eqqartorneqartutut piginnaasaqarnissamut piunasaqaatinik tamanik naapertuutsisisunik qinnuteqaatinik unammillertunik marlunnik imaluunniit amerlanernik tigusaqartoqassappat iluaquteqarnissamut akuersissummik ataatsimik imaluunniit amerlanernik nalunaaruteqartoqassanersoq Naalakkersuisut aalajangiussaqaassapput. Tamanna pillugu tunniussinermut najoqqutassani siullerni makkuninga qinnuteqartut ataasiakkaat qanoq annertutigisumik naapertuutsisinerinik tamakkiisumik nalilersuineq aallaavigalugu Naalakkersuisut aalajangiissapput:

1. Qinnuteqaateqartup teknikkimut aamma fagitigut piginnaaneri
2. Qinnuteqaateqartup aningaasarsiormi aningaasalersuisinnaanermilu piginnaaneri

Akuersissummik tunniussinissamut tunngaviusut oqimaalutaanermi naligiimmik naliliisoqartassaaq.

Akuersissummik tunniussinissamut tunngaviusussatut atugassarititaasut ersarinnerusumik immikkoortuni marlunni 4.2 og 4.3-mi ataaniittuni sammineqarput.

Qinnuteqaateqartup qinnuteqaataanik aamma ilanngussanik paasissutissanik ilassuteqarpat taakkua ilanngullugit Naalakkersuisut ataatsimoortumik nalilersuissapput, Naalakkersuisut isumaat naapertorlugu nalilersuinissamut pingaaruteqartunik. Tamannalu tunngavigalugu tunniussinermut najoqqutassani siullerni taakkunani marlunni ataasiakkaanut pointinik 0-8-nik Naalakkersuisut qinnuteqartumut pointilersuisarnermik aaqqissuussineq una malillugu tunniussisassapput:

Piumasaqaatit naammassisat	Point
Torrallatamik piumasaqaatinik naammassinnineq	8
Ajunngilluinnartumik/pitsaasumik piumasaqaatinik naammassinnineq	7
Ajunngitsumik/naammaginarluartumik piumasaqaatinik naammassinnineq	6
Agguaqatigiissitsineq sinnerlugu piumasaqaatinik naammassinnineq	5
Agguaqatigiissitsineq /naammaginarlutumik piumasaqaatinik naammassinnineq	4
Agguaqatigiissitsineq ataallugu piumasaqaatinik naammassinnineq	3
Naammaginarpallaanngitsumik piumasaqaatinik naammassinnineq	2
Naammaginarngitsumik piumasaqaatinik naammassinnineq	1
Ajortumik piumasaqaatinik naammassinnineq	0

Pissutsini Naalackersuisut naliliineri naapertorlugit uppersaaserneqartuni imaluunniit naammaginarlutumik nalunaarsorneqartuni Naalackersuisut taamaallaat pointinik tunnius-sisarniarput, pivusorsiorlutut qinnuteqaat paasissutissallu uppersaasersorneqartut Naalackersuisullu naliligaanni tunngavigalugit. Pissutsit uppersaasersorneqanngitsut imaluunniit naammaginarlutumik allaaserineqanngitsut imaluunniit pivusorsiorlutuunngitsut Naalackersuisut naliliisimappata, taava Naalackersuisut pissutsit pineqartut qaam-marsaavigineqarsimanngitsutut nalilissavaat. Taamaalillutillu pineqartut taamaattut qin-nuteqaammik ataatsimoortumi naliliinermi ilaatinneqassanngillat.

Pointilersuinermit ilutsimut naapertuutsitsilluni qinnuteqartumut tassunga imaluunniit taakkununga (tamakkiisumik) pointinik amerlanerpaanik pissarsiaqartumut imaluunniit pissarsiaqartunut Naalackersuisut akuersissummik nalunaaruteqarsinnaapput. Taamaattorli qinnuteqartut arlaannaannulluunniit akuersissummik nalunaaruteqarnissa-minnut Naalackersuisut pisussaaffeqanngillat.

Pointinik assigiinnik (amerlaqatigiinnik) qinnuteqartut marluk imaluunniit amerlanerit ta-marmik immikkut (tamakkiisumik) pissarsiaqarsimassappata qinnuteqartuni unammiller-tuusuni sorleq akuersissummik nalunaaruteqarfiunissaa pillugu Naalackersuisut aalaja-ngiussigunik Naalackersuisut najoqqutassat tulliat tullinnguuttoq pingaartitarissavaat:

1. Sermip aamma/imaluunniit erngup annertussusissaatut iluaqutigisassatut piler-saarutaasutut annertussusaa.

Najoqqutassiat tulliat ataani immikkoortoq 4.4-mi erseqqinnerusumik eqqartorneqarpoq.

Tunniussinernut najoqqutassani siullernik taakkuninnga marlunnik, aamma tulliatut tunniussinernut najoqqutassaq malillugit qinnuteqartut marluk imaluunniit amerlanerit tamarmik immikkut (tamakkiisumik) pointinik assigiinnik (amerlaqatigiinnik) pissarsisimappata qinnuteqartunut taakkununnga pineqartunut marlunnut imaluunniit amerlanernut ataasiakkaanut tamanut Naalackersuisut iluaquteqarnissamik akuersissummik nalunaaruteqarsinnaapput. Qinnuteqartumut tassunga ataatsimut imaluunniit amerlanernut taakkununnga Naalackersuisut akuersissummik nalunaaruteqassappata tunniussinernut najoqqutassani siullernik taakkuninnga marlunnik, aamma tulliatut tunniussinernut najoqqutassaq malillugit qinnuteqartunut taakkununnga tamanut (tamakkiisumik) pointinik assigiinnik (amerlaqatigiinnik) pissarsisimasunut Naalackersuisut akuersissummik nalunaaruteqassapput. Taamaattorli taassuma kissaatiginnippagu qinnuteqartut taakku arlaannut iluaquteqarnissamut akuersissut nalunaarutigineqassanngilaq.

Qinnuteqartunut taakkununnga ataasiakkaanut tamanut akuersissummik Naalackersuisut nalunaaruteqassappata akuersissutit suulluunniit qinnuteqartup akuersissut malillugu iluaqutigisinnaasaa sermeq aamma/imaluunniit imeq annertunerpaamik annertussusilik pillugu atugassarititanik imaqqassapput. Iluaquteqarnissamut piukkunnaataasooq qinnuteqartut taakku akornanni naleqqiussilluni agguataarneqassaaq. Iluaqutigissallugu akuersissuteqarnissaaq pillugu qinnuteqartut ataasiakkaat tamarmik qinnutigisimasaattut sermit aamma/imaluunniit erngit annertunerpaaffissaat tunngavigalugit, aammalu qinnuteqartup naammaginartumik annertussusilimmik iluaqutiginiarlugu aamma iluaqutigissallugu qinnuteqartut ataasiakkaat tamarmik ilimanassuseqartitsinerannik tunngaveqarluni pissaaq.

4.3 Tunniussinernut najoqqutassani siulleg 1: Qinnuteqartup teknikkimut aamma suliarisani sammisanut piginnaasaa

Qinnuteqaateqartup teknikkimut aamma fagini ilisimasatigut (sammisanut tunngasunik ilisimasaqassuseq) qanoq annertutigisumik qinnuteqartup piginnaasaqarnera, ilisimasaqarnera, misilittagaqarneralu tamakkuninngalu uppersaasersuineru sermimik imaluunniit imermik iluaquteqartarnermut, aamma nioqqutissiornermut, ussasaarisarnermut, nioqquteqarnermut, assartuinermut aamma sermimit tunisassianik imaluunniit imermik tunisssianik pilersuisarnermut pingaartitsinera tunngatillugu Naalackersuisut ilaatigut nalilersuissapput.

Pissutsit suliamut attuumassuteqartut tamaasa ilanngullugit Naalakkersuisut ataatsimoortumik nalilersuissapput. Naalakkersuisut nalilersuinerminni ilaatigut pissutsit makua pingaartissavaat:

1. Attuumassutilittut assigiinngissuseqartunik suliarisanik aamma qanoq annertutigisumik qinnuteqartup misilittagaqartuunera, ilisimasat piginnaasaqarnerillu ilanngullugit. Assersuutigalugit attuumassutilittut tunisassiornermik, ussassaarnermik, nioqquteqarnermik, assartuinermik aamma sermimit tunisassianik imaluunniit imermik tunisassianik pilersuinermik iluaquteqarnermut tunngatillugu misilittakkat. Pinngortitamik avatangiisinillu illersuinermit tunngatillugu, aamma inuiaqatigiinni pijuartitsinermit tunngatillugu iliuuserisanik ingerlataqarnermut attuumassutilittut misilittakkat, ilanngullugit akuersissut malillugu suliarisat isumagineranni Kalaallit Nunaannit sulisartunik, nioqqutinik kiffartuussinernillu aamma Kalaallit Nunaannit pilersuisunik atugaqarnerit ilanngullugit.
2. Sulianik attuumassuteqartunik isumaginninnermik qinnuteqartoq qanoq siviututigisumik misilittagaqarsimanera.
3. Sulianik attuumassuteqartunik qinnuteqartoq qanoq annertutigisumik misilittagaqarnera, aamma sulianik pineqartunit sermip imaluunniit erngup naleqassusianut annertussusianullu tunngatillugu ilaasut.
4. Akuersissutaasinnaasoq malillugu sulianut isumagineqartussanut taakkununga qinnuteqartup sulianik taakkuninnga qanoq annertutigisumik misilittagaqarner-soq.
5. Qinnuteqaateqartup misilittagai attuumassuteqartumut qanoq nutaajutiginersut.
6. Qinnuteqaateqartup piginnaaneri, ilisimasai aamma piginnaasat suut ingerlatsivimmini piginerai imaluunniit atugarisinnaanera.
7. Maannamut akuersissuteqartoqassappat qinnuteqaateqartup pilersaarutai, aamma pilersaarutit pigisai qanoq piviusorsortiginersut, qanorlu annertutigisumik pilersaarutit pineqartut ilisimasatigut piginnaasanik ersersitsiviunersut.
8. Assersuutigalugu tamanna pillugu isumaqatigiisummik atsiugaqarnermi, imaluunniit tamanna pillugu pisussaaffiliisumik nalunaarutip tunniunnerani (isumaqatigiisut taamatut ittut imaluunniit nalunaarut qinnuteqaammut ilanngunneqassaaq) qinnuteqartumut misilittakkamik, ilisimasamik aamma piginnaasanik taamatut annertussusilittut pisussaaffilerlutik atugassiissutiginiakkaminnik suliffeqarfissuarnut atasutut ingerlatseqatigiiffiit aamma ingerlatseqatigiiffiit allat attuumassutilittut misilittagaat, ilisimasaat aamma piginnaasaat.

4.4 Tunniussinermit najoqqutassani siullem 2: Qinnuteqartup aningaasaqarnikut piginnaasaa

Qinnuteqartup aningaasaqarnikkut aningaasaliisinaanermillu piginnaasaqarneranik (aningaasaliisinaanassutsikkut piginnaasaqarnermik) nalilersuinermi akuersissut malil-lugu iluaquteqarnissamut sulianik suliarisanillu allanik taakkuninnga aamma pilersaarutigisatut suliniummik naammassisaqarnissamut aningaasaqarnikkut aningaasalersuisinnaassutsimillu piginnaasaqarneranik qinnuteqartoq qanoq annertutigisumik pigisaqarlunilu uppersaasinaaneranik Naalakkersuisut ilaatigut pingaartitsissapput.

Pissutsinik attuumassuteqartunik tamanik ilanngussuillutik Naalakkersuisut tamakkiisumik nalilersuissapput. Nalilersuinerminni Naalakkersuisut ilaatigut pissutsit tullinnguuttut pingaartuutissinnaavaat:

1. Qinnuteqaateqartup kaaviiartitai, aningaasanik isaatitsinera, nammineq aningaasaatai, aningaasarsiornikkut qajannaassusia aamma isaatitat inerneru.
2. Qinnuteqaateqartup ingerlatsinissamut pilersaarutai, tamatumani aamma aningaasalersuinissamut, akuersissuteqartoqassappat akuersissut naapertorlugu ingerlatsiniarnera, aamma qanoq pilersaarutit taamaattut piviusorsiortiginersut, ingerlatsinissamut pilersaarusiorneqartumut sanilliullugit.
3. Ingerlatseqatigiiffissuarmut ingerlatseqatigiiffiit atasutut aamma ingerlatseqatigiiffiit allat, tamatumani aamma aningaaseriviit aningaasalersuisartullu allat aningaasalersuinissamut attartortitsinikkut neriorsuutigisimasaat pituttuisuusut, sillimmasiiniarneri imaluunniit allatigut aningaasaqarnikkut aningaasarsiornikkullu ilalersuiniarneri, ingerlatsinerup akuersissummik tunngaveqartumut pilersinnissaani.

4.5 Tunniussinermut najoqqutassani tulliusoq: Sermimik aamma/imaluunniit imermik pilersaarutigisatut atugassarisatut annertussusissaasa qanoq annertutigineri

Sermip aamma/imaluunniit erngup iluaqutigineqartussatut pilersaarutaasup nalilersorneqarnerani sermeq aamma/imaluunniit imeq qanoq annertutigisoq akuersissuteqartoqassappat akuersissuteqarfiusup iluaqutiginiarneraa, tamatumani qanoq qinnuteqartumut piviusorsiortigisutut nalilerneqarnera Naalakkersuisut pingaartinniarpaat.

Pissutsit suliamut naleqquttumik attuumassuteqartut isiginiarlugit Naalakkersuisut ataatsimoortumik nalilersuineq ingerlanniarpaat. Tulliuttut Naalakkersuisut nalilersuinerminni ilaatigut isiginiarsinnaavai:

1. Qinnuteqaateqartup iluaquteqarnissaminik pisariaqartitaata annertussusia, tamatumalu uppersaasarsorneqarnera.

2. Sermip aamma/imaluunniit erngup iluaqutigisassap annertussusissaannut qinnuteqartup pilersaarutai, ilanngullugit ukiuni ataasiakkaani tamani iluaqutigisassatut pilersaarutigineqarlutik sermip aamma/imaluunniit erngup annertussusissai, aammalu pilersaarutit taamatut ittut qanoq annertutigisumik piviusorpa-laartuunersut aamma taakku naammassinissaannik ilimanassuseqartuusut nalilersorneqarneri.

Pissutsinut qulaani eqqartorneqartunut tunngatillugu qinnuteqartup paasissutissanik, allagaatinik aamma pilersaarutitinnik tunniussaqaarneri qinnuteqartup iluaquteqarnissamut akuersissutip nalunaarutiginnissaanut qinnuteqaataa pillugu Naalackersuisut suliamik isumaginnillutillu aalajangiussinerannut atugaqarnissaannut pippat. Tamanna iluaquteqarnissamut pilersaarummik aamma taamaatitaqarnissamut pilersaarummik qinnuteqartup suliaqarlunilu tunniussaqaarnissaanik pisussaaffiusumut kinguneqartitsissanngilaq, aammalu qinnuteqartoq iluaquteqarnissamik akuersissummik nalunaarfigineqassapat sermimut imermullu inatsimmi §§ 14 aamma 15 malillugit pilersaarutit Naalackersuisunit akuersissuteqarfigitinnissaannut kinguneqartitsissanani.

5. Akuersissutip nalunaarutiginnissaanut atugassarisat, aamma akuersissummi atugassarisat pillugit qinnuteqartumik isumaqatiginninniarneq

Sermip aamma/imaluunniit erngup iluaqutiginnissaanut akuersissutip nalunaarutiginnissaanut atugassarisat, aammalu akuersissummi taama ittumi atugassarisat pillugit qinnuteqartumik isumaqatiginninniarnissamut Naalackersuisut pisinnaatitaaffeqarput.

Naalackersuisut nalilersuinerat malillugu pingaaruteqartuuppat qinnuteqartumik Naalackersuisut taamaallaat isumaqatiginninniarnarput.

Assersuutigalugu sermip aamma/imaluunniit erngup aalajangersimasumik annertussuseqartup iluaqutiginnissaanut akuersissummik qinnuteqartoq qinnuteqarsimassapat, taamaallaallu sermimik aamma/imaluunniit imermik annikinnerusumik annertussusilimmik iluaquteqarnissamut akuersissummik nalunaaruteqartoqarsinnaalluni, taamaalisoqarneranilu sermip aamma/imaluunniit erngup annikinnerusumik annertussusillip iluaqutiginnissaanut akuersissummik nalunaaruteqarnissamik qinnuteqartoq kissaateqarnerisq Naalackersuisut ilisimatitaasinnaanissaat pingaaruteqarsinnaavoq. Sermimik aamma/imaluunniit imermik tassannga annikinnerusumik annertussusilimmik iluaquteqarnissamut akuersissummik nalunaarummik pissarsiaqarnissamik qinnuteqartup kissaateqarneranik qinnuteqartoq Naalackersuisunut ilisimatitsissapat Naalackersuisut qinnuteqartumut akuersissummik taama ittumik nalunaaruteqarsinnaappat. Taamaattorli

qinnuteqartumut akuersissummik taama ittumik nalunaaruteqarnissaminnut Naalakkersuisut pisussaaffeqanngillat.

Sermimut imermullu inatsimmut aammalu nalinginnarmik aqutsinermut inatsisitigut malit-tarisassiat tunngavigisallu, ilanngullugit tunngavilersuineq, naligiissumik isumaginninneq atsikkutigiissuserlu pillugit tunngavigisat naapertuutsillugit qinnuteqartorlu Naalakkersuisut isumaqatiginninnerit naammassivaat.

6. Suliamik isumaginninnermut ilaalu ilanngullugit atatillugu akitsuut aningaasartuutillu

Akuersissut pillugu qinnuteqartoq, aammalu akuersissut malillugu pisinnaatitsissummik piginnittoq pisortaq suliaqarnerannut atatillugu akitsuutinik aalajangersimasunik akiliissaaq, ilanngullugit ilaatigut akitsuutinik makkuninnga:

1. Qinnuteqaammik ataatsimik tunniussaqaarneq: 1.000 kr.
2. Akuersissummik ataatsimik nalunaaruteqarneq: 10.000 kr.
3. Akuersissutip ataatsip tunniunneranik akuersissuteqarneq: 5.000 kr.
4. Akuersissutip ataatsip sivitsornera: 10.000 kr.
5. Iluaquteqarnissamut pilersaarutip ataatsip aamma matusinissamut pilersaarutip ataatsip akuerineqarneri: 10.000 kr.
6. Qulaani pineqartutut pilersaarutinik allannguummik ataatsimik akuersissuteqarneq: 10.000 kr.
7. Iluaquteqarnermut suliarisanik unitsitsigallarnermik ataatsimik akuersissuteqarneq: 5.000 kr.

Aammattaaq suliamik isumaginninnermut, allatut pisortanit suliarinninnermut, nakkutillinnermut allatullu akuersissummik aammalu akuersissut malillugu suliarisanut atasutut Naalakkersuisunit, Naalakkersuisoqarfimmit aamma Kalaallit Nunaanni pisortaqaarfinit allanit ingerlanneqartunut atatillugu pisinnaatitsissummik piginnittoq aningaasartuutaa-sut suulluunniit matussuserlugillu akilissavai.

Akitsuutit aamma pisortat suliarinninnerinut ilaalu ilanngullugit atatillugu aningaasartuutinik matussusiinerit aamma akiliinerit qinnuteqartumit akuersissut pillugu qinnuteqartuumit, aamma akuersissut malillugu pisinnaatitsissummik piginnittumit akilerneqassapput, Naalakkersuisunut, Naalakkersuisoqarfimmut aamma qullersaqarfittut pisortaqaarfinit allanut aningaasartuutitaqanngitsumik imaluunniit akitsuutitaqanngitsumik.

7. Akuersissuteqarnermut atugassarisat tamatigoortut

Sermimut imermullu inatsimmi § 4 malillugu akuersissummi iluaquteqarnissamut akuersissutaasumi akuersissuteqarnermut atugassarisat tamatigoortut ilaat § 4 malillugu iluaquteqarnissamut akuersissutinut nalinginnarmik piumasaqaataasuni eqqartorneqarput.

Sermimut imermullu inatsimmi § 8 malillugu akuersissummi iluaquteqarnissamut akuersissutaasumi akuersissuteqarnermut atugassarisat tamatigoortut ilaat § 8 malillugu iluaquteqarnissamut akuersissutinut nalinginnarmik piumasaqaataasuni eqqartorneqarput.